

Universitätsbibliothek Paderborn

Opvs De Ivdiciis Divinis, Qvae Devs In Hoc Mvndo Exercet

Accessit index concionatorius in omnes totius anni dies Dominicos & Festos, ab ipso Auctore confectus

Stengel, Georg

Ingolstadii, 1651

2. Eadem Terra Sancta à Christianis violata, Christianis erepta.

urn:nbn:de:hbz:466:1-45699

stianos è Terra Sancta eiecit, & solum vertere coēgit. Historiam dabo.

Inter Cistercienses, quidam Religiosus vixit, nomine Gulielmus, qui antè, quām se ordini illi addiceret, ad Traiectum inferius, Canonicum agebat. Is maioribus annis, Cruce signatus, mare traiecit, ut Dominicum sepulchrum visitaret. Nondum na-

II.

Cesarius Hei-

sterb. lib. 4.

Illustr. hist.

cap. 15.

uis, quā vehebatur, portum Achonis attigerat, cūm ante auroræ ortum, adhuc obscura nocte, in diuersis circa ciuitatem locorum spatijs, ignes non pauci, instar facularum, apparuerunt vectoribus, qui cūm è nautis sciscitati essent, quidnam ignes illi portenderent, aut essent? Nautæ dixerunt, existimare se, tempore asti- uo, ad liberiorem frigidoremque auram captandam ciues extra urbem tentoria posuisse, in quibus ad nocturna lumina lusitarent, quemadmodum & in Hispania, alijsque regnis ac prouincijs fieri solet. Hac opinione persuasi, sine omnis periculi metu, nauim in portu Achonis appulerant. Eo autem tempore, quod erat, regnante Friderico Romanorum Imperatore, ob Christianorum peccata, Terra Sancta venerat in Saladini regis Syriae potestatem, cuius filio Noradino obuenit Achonis portus cum ciuitate ipsa, quam Saraceni occupauerant. Quoniam autem Noradinus miti erat ingenio, & natura beneficus, conspecta Christianorum nauis, & causa aduentus haud difficulter diuinata, nobilem quemdam linguae Gallicæ guarum iussit triremem descendere, atque aduenis obuiam ire, eisque comiter salutatis dicere, ne quid hostile timerent, neminem eorum aut vitam amissurum, aut libertatem. Pro qua gratia Nobilis quidam Germanus lethaliter decumbens, per eundem, qui venerat, legatum regi Noradino loriam, galeam, clypeum, ensem, ceteraque arma, & cimelia sua, honoris causa, transmisit, etiam atque etiam rogitans, ut fratres suos, qui vna aduecti fuerant, haberet commendatos; se obseruantiae ergo illi mittere ea arma, in quibus trium annorum spatio voverit, Christo militare; sed quia clare agnosceret, aliud Deum velle, melius ea nusquam alio loco posse collocari. Cum his iussi & alij ire nuntij, inter quos, ob linguae Gallicæ peritiam, etiam erat suprà nominatus Gulielmus, qui Saraceno Principi munera presentarent. Accepit tam legatos, quām munera hilari animo No-

adsequi

Vuu 2

radonus,

ratinus, singulisque inspectis, atque osculo honoratis, dixit, se metipsum venturum, ut ægrum viseret. Æger tamen interea iam expirauerat, quem appenso lapide in mare deiecerant nautæ. Sed ne, eo non apparente, aliud suspicaretur rex Saracenus, alium quendam non minoris nobilitatis virum morbo extremè afflitum in locum lectumque eius reposuerunt. Alterum solexortus ubi diem fecit, primò manè Rex ad littus venit, magna satraporum caterua comitante. Ibi diuerso colore pictas naues comitatu impleuit, tandemque & ipse consensa prætoria naue ad Christianos accessit, ac primò quidem pro transmissis sibi lauijs magnificè gratias egit; mox ægrotoponè lectum assedit, & cum medico, quem secum adduxerat, de morbo decumbentis, deque modo eum sanandi disputauit. Tum etiam quædam nobilissimi generis poma ei obtulit, quæ dicebat, non procul Damasco, in patris sui horto creuisse. Tandemque addebat, *Propter te, omnibus Christianis benefaciam*. Pluribus postea vltro citroque dictis, ægrotato pariter ac ceteris valere iussis, potestatem dedit eundi & redendi è locis Sanctis, ac, ne eos quisquam laderet, signo teli regalis munitos dimisit. Redeuntem regem atque nobilem, qui primò missus fuerat, officio humanitatis comitatus est initio nominatus Gulielmus, qui inter eundum interrogatus est, *Quo modo Christiani, in patria illius seruarent legem Christianam?* Ille verecundatus fateri, quod rès erat, respondit, *Satis bene: Quo responso auditio, Admiralus*, Ego, inquiebat, exponam tibi legem Christianorum, qui in hac regione degebant. Pater meus, quia erat inter eminentiores, misit me iuuenem ad regem Ierosolymitanorum, ea conditio & lege, ut apud illum Gallicum discerem idioma, ille autem vicissim filium suum parenti meo remitteret, ut lingua Saracenicâ disceret loqui. Hinc mores & vitam Christianorum ad vnguem teneo. Igitur, quæ audiui, quæq; hisce oculis meis usurpauit, tibi referam. Ita tunc Christiani Ierosolymis vixerunt, ut nullus adeò diues esset, qui lucri cauſa, & pro pecunia vel sororem, vel filiam, vel, quod execrabilius erat, vxorem propriam luxuriæ ac libidini peregrinorum non exponeret. In compendio dicam, ita vniuersi gula & carnis illecebribus dediti erant, ut si eos de moribus astimates, nihil prorsus à pecoribus different. *Dæ*
superbia

superbia quid dicam? ea adeò eis dominata est, vt numquam sibi satisfacerent in vestibus suis incidentis, stringendis, prætexendis, ac pingendis, auro illudendis, fimbria, limbo, achanio varian-
dis. Atque vt cetera taceam, tot fuerunt vel in solis calceis mu-
tationes, tot nouitates, tot vanitates, vt putares, eos aliud nihil
dies noctesque cogitassem, quām quo pacto vnum alterum vestimen-
torum pompa superaret. His recensitis adiecit: *Considera uesti-
menta mea, calceamenta mea, quām sunt rotunda, quām ampla, quām
simpliciter & humiliter formata.* Habebat autem Admiraldus iste,
vt retulit idem Gulielmus, manicas laxas ritu monachorum, nul-
la erat in vestibus plicatum multiplicitas, nulla curiositas, licet
ipsa vestium materia foret satis pretiosa. Postquam igitur & sim-
plicem Saracenorum habitum, & Christianarum vestium info-
lentem superbiam satis demonstrauit, hoc deum egregium epi-
phonema, coronidis loco, addidit: *Ecce, ista sunt vitia, propter
qua eiecit Deus Christianos superbos & luxuriosos de terra ista: non
enim diutius posuit tantas illorum iniquitates sustinere. Putas, quia no-
stris viribus obtinuerimus illam? nequaquam.* Ad extremum etiam
hunc adiecit, seu colophon, seu colophonem: *Neminem ex Re-
gibus uestris timemus, neque ipsum Imperatorem uestrum Fredericum:
sed, sicut legimus in libris nostris, Christianus Imperator quidam surgeat
Otto nomine, qui terram hanc cum ciuitate Ierusalem cultui Christiano
restituet. Nos ista audientes, addit narrator, sperabamus, quia pro-
pheta illa implenda esset in Ottone Imperatore Saxone, qui ante aliquot
annos defunctus est.* His ita Achone dictis gestisque, Noradini quo-
que pater Saladinus admodum fuit erga Christianos humanus.
Et si enim ab eius exercitu Christianorum copiae partim essent de-
letæ, partim captæ, partim dissipatae, tamen reliquias ciuitatum,
qua se ultro dediderunt, in iisdem ciuitatibus manere, atque vi-
tam degere permisit, diligenti licet custodia adhibita, ne quid mo-
uerent. Sed quia nec dum Christiani in Terra Sancta sanctè vixe-
runt, denuò iram diuinam in se prouocarunt. Itaque tempore
aliquo clapo Saladinus inquisiuit, quo se modo gererent Chri-
stiani? Cui responsum est, haud aliter eos vivere, atque pecudes
intellectu carentes, atque in pastum abiectas. Nam totam eorum
occupationem esse, ludos, comedationes, compotationes, lu-

xum & illecebras voluptatum. Hæc ubi intellexit Saladinus, ira vehementer concitatus, seuerè mandauit, vt quidquid de Christianis reliquum esset, è ciuitatibus omnibus expelleretur.

III.

Ils. 24. 5.

S. Augustin.
lib. 1. De ci-
uit. cap. 1.

His ita denarratis, exclamauit Apollonius: Prò, quod abhorret Iudeus, & quod execratur paganus, hoc quasi pro lege habent Christianus! Mihi exclamare liber, Prò cæcitatem Christianorum, qui alieno exitio sapere non didicerunt! Sciunt Iudeos, templum, ciuitatem & Terram Sanctam, impietate sua perdidisse; nō ront ibi Christianos pietate ac religione sua possessionem accepisse; & non vident contrarijs moribus sè se omnia rursus amississe? Enim uero neque illud vident; etiam quæ adhuc habent in manibus bona, ob vitæ improbitatem, ad hostes abire posse? Non tolerauit Saladinus Christianos in urbibus suis, ob improbitatem, & Deus eos toleret in Terra sua? Et terra infecta est ab habitatoribus suis: ait Propheta, quia transgressi sunt leges, mutauerunt ius, dispergerunt fundus sempiternum. Ob quam rem & Deus eos è Terra eiecit, ne porrò ab impijs habitatoribus inficeretur; eaqué mala induxit, quæ illuc Propheta recenset. Quocirca & D. Augustinus eos reprehendit, qui bona, quibus donabantur, fato suo, mala autem, quibus vexabantur, Christo nostro imputabant, cum potius deberent, si quid recte saperent, illa quæ ab hostibus affera & dura perpeti sunt, illi diuina prouidentia tribuere, que solet corruptos hominum mores bellicis emendare atque conterere: itemq; vitam mortalium iustam atq; laudabilem talibus afflictionibus exercere, probatamq; vel in meliora transferre, vel in his adhuc terris, propter usus alios detinere. Illud verè, quod eis vel ubicumq; propter Christi nomen, vel in locis Christi dicatisimis & amplissimis, ac pro largiore misericordia ad capacitatem multitudinis electis, prater bellorum morem traculentib; barbari pepercabant, hoc tribuere temporibus Christianis: hinc Deo gratias agere, hinc ad eum nomen veraciter currere, ut effugiant pœnas inferni. Hæc eadem quæ Augustinus Ethnicis dicit, dici possunt omnibus ab Ecclesia Catholica alienis; immò ipsis quoque Catholicis religionis tepiditate & defectu, morumque malorum enormitate, Dènum ad iram, & arma prouincijs regnisque iniicienda, prouocantibus. Acne prolixè repetam, quæ Saluianus clare grauiterque scribit de Afris; neque quæ Victor Vicensis de persecutione Wandalica aliquoc-

libris